

ԴԻՄՈՒՄ ԱՐՑԱԽՑԻՆԵՐԻՆ

Օգոստոսի 27ին Արցախի Ազատագրման Մարտիկները այդ վերնագրով մի թընուցիկ են տարածել երկրում ստեղծուած քաղաքական նոր կացութեան պայմաններում մարզի իրադրութեան մասին: Փաստաթղթում մասնաւորապէս նշում է, որ այսօր Արցախում մարզային իշխանութեան վերականգնման գաղափարը քիչ է մնում, որ ներկայացնեն իբրեւ բոլոր չարիքներից պաշտպանող մի գրահ: Թող, իբր մեր իշխանութիւնը վերականգնեն եւ մենք կը դառնանք մեր հողի տէրը: Եւ մեզ ոչինչ չի խանգարի: Բայց ամենագլխաւորն այն է, թէ ու՞մ կը պատկանի մարզային իշխանութիւնն ինքը: Զգիտես ինչու, այս մասին ոչ ոք չի խօսում: Զեն խօսում, որովհետեւ հենց այս հարցի մէջ է թաքնուած մեր ժողովրդի վզին փաթաթւող խաբէութեան ողջ էութիւնը:

Թնուցիկում նաեւ այն միտքն է ընդգծւում, որ այսօր իշխանութիւն ձեռք բերելու համար միմիանց կոկորդ են կրծում երկու ուժեր. մէկը՝ Կոմկուսի դրօշի տակ, Մութալիբովի գլխաւորութեամբ, միւսը՝ ժողովրդավարութեան դրօշի տակ՝ Աժժի գլխաւորութեամբ:

Որպէս գլխաւոր եզրակացութիւն հնչում է այն միտքը, որ մեզ հարկաւոր է մի իշխանութիւն, որը չի ծառայի ուրիշներին, այլ կը պաշտպանի մեր շահերն ու երկրամասը: